

¡BOMBA!

Roldán Peniche, eminencia,
no tuvo obstáculo hallado
proveniente de Valladolid
supo honrar su ascendencia



K'uintsil

Jueves 8 de agosto de 2024

CAMPECHE · YUCATÁN · QUINTANA ROO · AÑO 10 · NÚMERO 2294 · www.lajornadamaya.mx

Xkaampechil ts'íib Briceida Cuevas tu k'amaj u chiimpolalil Medalla Bellas Artes en Lenguas Indígenas

Xkaampechil ts'íib Briceida Cuevas Cob tu k'amaj u noj chiimpolalil Medalla Bellas Artes en Lenguas Indígenas ku k'u'ubul tumen u jala'achil u noj lu'umil México.

Ti' jump'eel k'a'aytajil ts'íib jts'a'ab k'ajóoltbil tumen Secretaría de Cultura ti' u jala'achil u noj lu'umil México yéetel u mola'ayil Instituto Nacional de Bellas Artes y Literatura (Inbal) tu'ux a'alabe' máaxo'ob xak'alt u yuumilo'ob ti'al le chiimpolala', tu jets'aj u k'ubik u medallail 2023 ti' Cuevas Cob tumen "k'a'anan u meyaj ich káan iik' ti'ilil ku beeta'al walkila' tu noj lu'umil México, ts'o'oke' najmal ti'al u kaláanta'al yéetel u k'a'ayt'a'al t'aan beeyxan maaya miatsil".

"K'aay tuukul u beetmaje' ku ye'esik u ki'ichkelemil u t'aan, yéetel u k'a'ananil u jejeláasil miatsil yaan yóok'ol kaab", a'alabij.

U chiimpolalil Cuevas Cobe' táaka'an ichil u k'uubajil Medallas Bellas Artes 2023

yéetel 2024 beeta'ab le 5 yéetel 6 ti' agosto máanika', tu kúuchil Sala Manuel M. Ponce yaan ichil Palacio de Bellas Artes, tu'ux kóoj máax jo'olbesik Inbal, Lucina Jiménez López.

Ikil u kaxta'al u chiimpolta'al u jejeláasil máasewal t'aanilo'ob México yéetel tumen táaka'an xan ichil Decenio de las Lenguas Indígenas, jets'a'an tumen Organización de las Naciones Unidas para la Educación, la Ciencia y la Cultura (Unesco), jets'a'ab xan ka yanak Medalla Bellas Artes en Lenguas indígenas.

Ichil Comité Dictaminador ti'al u k'u'ubul Medalla Bellas Artes en Lenguas indígenas, táaka'an xmixteca'il ts'íib yéetel doctora ti' u kaambalil lingüística Celerina Sánchez, xzapotecail ts'íib Natalia Toledo, beyxan jnáhuatl ts'íib Mardonio Carballo.

